

欽定剿平三省邪匪方略

欽定剿平三省邪匪方略正編卷五十一

丁巳年

九月二十三日

已丑

恒瑞慶成奏言

臣

等在西鄉

縣地方探知李全等寺股匪由罐子山向東逃竄

逼近漢江恐其復行搶船北渡

臣

慶成卽帶兵

馳赴漢江渡口乘船抄截適接宜綿札令

臣

恒

瑞馳回興安應援隨於初六日偕慶成星夜前

來惠齡卽與總兵富成帶兵緊追

臣

等趕至石

泉縣渡口察看沿江南岸村莊房屋間被前起  
騎馬覓渡之賊焚燒秦承恩於北岸派有兵勇  
防堵禁止南岸泊船甚嚴賊匪正在遲疑之際  
一聞官兵繞截前來卽竄向江汊山內

臣恒瑞

令官兵裹帶乾糧卽日渡江由北岸陸路兼程

前進於十一日馳抵興郡

臣

慶成帶兵登舟加

緊攢行所過漢王城白馬石一帶乃上次逆賊

偷越渡口詳查北岸陝省兵勇防堵尙屬得宜  
探詢賊匪現由南岸大山竄至瓦房店距紫陽  
縣城渡口僅三十里臣慶成一面順流逕赴紫  
陽堵禦一面先派巴圖魯侍衛江鼎遊擊全亮  
等帶領弁兵出白馬石登岸密赴瓦房店一路  
截剿是日竄匪正在結隊前往紫陽適遇該侍  
衛等帶兵由北面突出直前截殺賊衆猝不及

防驚慌亂奔

臣

帶兵由水路趕到追殺十餘里

殲斃甚多餘衆翻越山嶺奔逃惟紫陽迤東至

興安尙有二百餘里南岸俱有支河可以紮筏

直達漢江

臣

恐顧此失彼仍將官兵帶回登舟

順江偵探前進行抵汝河洞河等處江口有無

數男婦老幼爭渡北岸避賊

臣

卽令兵船停泊

逐一安撫并率同陝省防堵弁兵於扼要隘口

安卡把守以安民心十一日午刻忽有數百騎  
騾馬賊匪一擁齊來汝河江口涉水勢甚兇悍

臣

卽督率弁兵防勇施放大礮賊匪奔向大山

竄逸現探賊蹤距江干較遠漸近平利安康邊

界若官兵乘船順流而下一晝夜可抵興安當

卽帶兵遡行於十三日到郡與恒瑞秦承恩確

商查竹谿白河一帶滋擾之賊係柯藩帶兵剿

辦

臣

慶成沿江截殺之賊係在興安西南明亮

德楞泰所剿房縣之賊距洵陽白河一帶不遠

係在興安東南各股竄賊意欲牽綴官兵

臣

等

帶兵統計二千數百名若分路前往轉恐力單

而郡城亦關緊要防兵僅數百名

臣

等現居各

股賊匪之北飛差弁兵分投往探東西兩路竄

賊何路較近先卽帶兵馳赴迎擊逼令仍歸原

路與明亮德楞泰及惠齡等兩面夾擊

同日汪新奏言據施南協副將樊繼祖施南府法克晉等稟報川省奉節縣九江河賊匪楊秀澂等暨黑山槽賊匪湯永禮等各聚衆數千竄至利川交界之五家壩地方屯聚四出焚掠並勾結利川匪徒陳大朋陳維新等各聚黨三四百人在利川所屬之石莊坪鴨公頭等處焚搶



以爲牽制官兵之計經該將樊繼祖會同利川  
縣陳春波帶領兵勇於八月十四等日先後將  
石莊坪鴨公頭兩處賊匪密圍殲盡而楊秀濫  
等又令賊夥王作金等潛赴鄰近之恩施縣地  
方勾令匪徒陳耀川等在木貢地方聚集千餘  
人欲圖乘機起事經法克晉訪聞督同恩施縣  
尹英圖率領紳士厚集健勇於二十日五鼓乘

其不備分路搶上山梁殲斃數百名生擒首犯  
陳耀川暨夥黨周登武五十一名並起獲白旗  
器械甚多其餘男婦放火自焚或跳巖投水身  
死並無一人漏網現飭訊明分別凌遲斬決日  
下本境被勾賊匪實已殄除惟四川奉節賊匪  
兩股合併共有萬餘突入利川之南坪地方勢  
甚猖獗臣查南坪距縣治僅四十里距施南郡

城亦止百餘里信宿可達而利川向無城垣樊  
繼祖所帶之兵又止數百名此時各路均須防  
剿實無多兵可調

臣

現於歸州鍾祥荊門各卡

防兵酌量抽撥健兵七百名交武昌城守營叅  
將朱廷荃帶領馳赴幫同堵剿一面飛咨宜綿  
派撥官兵與楚省兵勇前後夾攻以期迅速撲  
滅至額勒登保福寧等所追帽子山賊匪已屬

萬分窮蹙惟巴東距利川甚近林之華等自知  
無路逃生必圖竄往利川入夥臣已飛咨額勒  
登保等派撥官兵抄赴利川一路策應均奏入

上命軍機大臣傳諭明亮額勒登保恒瑞慶成景宏  
秦承恩汪新曰竄匪屢撲江岸希圖搶渡經恒瑞  
等連次截殺俱向南岸大山竄逸該處路徑分歧  
賊匪素爲熟悉漢江南岸渡口甚多若官兵直前

邀截賊匪或繞至江岸上游仍可乘間涉淺偷渡  
不可不預爲防範惠齡等自西鄉督兵追蹕正可  
迎擊恒瑞秦承恩等亦當隨時察探賊蹤於可通  
江岸道路設法繞擊並嚴飭地方官防堵使賊匪  
無從搶渡方可帶兵截剿若祇跟蹤尾追賊匪或  
由小道偷渡擾及北岸則惟恒瑞慶成秦承恩是  
問又汪新奏奉節賊匪竄至利川一帶勾結滋擾

經兵勇等截擊將恩施賊匪撲滅所辦甚好其殺  
賊陣亡之兵勇等俱著各部加倍卹賞出力文武  
各員如果始終奮勉者咨部議敘至利川與巴東  
接壤額勒登保等如此時已將林之華等拏獲卽  
就近移師往剿毋使楊秀濫湯永禮二犯蔓延勾  
合倘林之華等竟竄往利川額勒登保等正可乘  
賊匪竄合之時與樊繼祖等併力合擊但額勒登

保等追剿窮竄之林之華等尙不能卽時擒獲加以由川竄來萬餘賊匪更恐不足倚恃樊繼祖朱廷荃皆係營員彼此不相統屬且兵力無多調度乏人朕深爲懸厪著景安卽同愛星阿酌帶直隸山東山西新到各兵速赴施南利川一帶督率樊繼祖等將此股竄合匪徒迅速殲擒

二十五日

辛卯

宜綿奏言查羅其清冉文儔等敗

竄餘匪與王三槐等合竅竄至岳家院胡家梁  
甄家嶺長灘河漸灘河三溪口麻茨石等處

臣

隨嚴飭鎮將等分頭追截初五日總兵富爾賽  
督率將弁兵勇攻打岳家院胡家梁地方先有  
賊匪百餘人前來迎拒經我兵鎗箭並發旋即  
敗退將抵賊卡忽於兩旁樹林內突出賊匪接  
應正在攪殺間知州劉清從九品職銜仇允誥



等帶領鄉勇由小路抄到兩面夾攻分投截殺  
三四百人是日總兵朱射斗一路攻打甄家嶺  
賊營該匪等佔據山梁恃得地勢排列山巔抵  
死狠關我兵往上攻撲相持半日行營千總王  
道益兵丁張克明楊林不避鎗石首先衝突兵  
勇相繼而上刀子直刺賊匪力怯退回據卡堅  
守我兵拋擲火彈燃燒賊卡草棚匪衆四散潰

逃我兵迎頭截殺斃賊無數其長灘河漸灘河  
三溪口一帶潛伏賊匪或遇探哨兵勇前進卽  
放鎗出敵或俟追兵過後冀圖邀截經百祥同  
副將雷仁等分投搜捕殲戮四五百人餘匪俱  
由溪河淺處蹣水而過適值大雨如注溪水陡  
漲衝斃頗多該鎮等立督兵勇砍伐木植搶搭  
浮橋跟蹤追趕由白巖子一路進攻詎各路竄

匪俱已奔至麻紮石會合分屯韓家院木通垭  
一帶山巔其最高之處名中林梁亦有賊匪屯  
紮初十日富爾賽朱射斗百祥等仍分三路繞  
由蜈蚣嶺撲剿中林山梁我兵攀藤附葛奮勇  
直上賊匪不能抵禦俱向通江一路潰竄臣查  
通江縣治地勢本窪且無城垣先經臣飭令知  
縣涂陳策刨挖深壕召募鄉勇預備堵禦並派

候補叅將尤漢玉帶兵五百名于縣治兩旁附近山梁扼險駐守墻壕以外居民亦多有移駐山坡倚藉捍衛者是日賊匪乘夜率衆直趨縣治將壕外民房縱火焚燒涂陳策帶領鄉勇會同尤漢玉正與相持適朱射斗帶兵趕到匪衆一見官兵勢大遂卽翻山而竄富爾賽百祥等同時並至縱兵合擊賊匪暫屯南背山地方計

官兵連日共奪賊營六座斃賊一千數百人生擒章志銘等三十七名訊據供稱王三槐羅其清等本要分路一由通江逃赴陝西一搶江口糧臺直往巴州等語當將該犯等一併正法其白巖山一路舒亮穆克登阿自初二日截剿擄糧賊匪之後賊匪固守巢穴道員李憲宜知府朱爾漢等在白巖山附近添募鄉勇數千初九

日分爲四路進攻賊巢烏什哈達率同副將達  
桑阿等督率兵勇攻打白甲溪賊卡賊匪率衆  
抗拒革職縣丞桂紳率領精壯鄉勇爭先直上  
官兵分路齊登刀矛並刺斃賊數百名卽將賊  
卡奪據維時李憲宜朱爾漢等帶領鄉勇由排  
堽口一路進攻茅店子賊卡亦經奮勇攻克殺  
賊二百餘名轟斃執旗白衣賊目一名舒亮穆

克登阿等兩路官兵奪據張家嘴千層巖賊卡  
進攻鴨子坪該處懸巖峭壁賊匪施放擗石不  
能徑上將兵勇撤回各路殺賊計七八百名奪  
獲刀矛四百餘件兵勇亦間有傷損現在另行  
設法進攻刻下大兵分投追截該匪等或仍冀  
潛赴陝境與前股竄匪合夥臣已派游擊劉大  
魁帶兵七百名駐守竹峪關堵截前恐兵力稍

單臣復酌派兵勇交碩雲保卽由太平帶赴該

處向通江一路迎截再總兵德齡所剿賊匪屯

聚鍾嘴地方勢頗猖獗觀成派令總兵馬瑀由

黑樓門一路迎剿九月初二日兵至馬嶺探得

賊匪復由鍾嘴竄至張家巖地方初三日黎明

馬瑀卽與德齡會兵進攻該處地勢險仄賊匪

率衆抗拒我兵施放連環鎗礮斃賊多名匪衆



敗退官兵乘勢撲近賊卡忽於兩旁樹林內突  
出賊匪五六百人前來接應我兵併力剿截賊  
始敗回張家巖該鎮等復分帶弁兵繞道攻撲  
詎賊匪奔回山頂放下擂石馬瑀督兵奮力上  
撲身受石傷墮巖殞命千總衛學純亦卽陣亡  
兵勇間有傷損德齡遂將兵勇撤至馬鞍山駐  
紮查臣前次派往之侍衛伊里布業經趕到現

飭會同上緊攻擊又據奉節縣周景福稟報南  
岸金子壩李子坳屯聚賊匪經該縣節次帶勇  
截剿斃賊甚多餘匪向利川之南坪汪家營一  
帶逃竄臣復飭令該縣廣募精壯鄉勇協同剿  
洗

同日宜綿又奏言此次邪匪起事蔓延數省節  
經征調官兵爲數已屬不少無如賊情狡詐散

漫難收如官兵迎頭攔截則賊匪奪路旁分官兵隨後尾追賊匪望風前竄兵以剿捕久而日疲賊以裹脅多而轉衆前蒙

聖慈簡調東三省勁旅又添調四川甘肅官兵四千餘名仰見

皇上燭照機宜實深感服近接明亮等咨會襄陽一帶竄匪正待吉林索倫勇健兵力分別布置而

陝西興安所屬邊境亦藉肅州等處新調之兵  
用資防堵其餘賊匪滋擾所及仍未能處處留  
兵惟藉各州縣團練鄉勇以佐不敷但鄉勇等  
自衛村莊齊心協力若遠出數百里外其中勇  
往出力者固不乏人而畏縮不前者亦復不少  
此等鄉勇賞過則驕威過則散雖鹽糧等項與  
兵丁所費相同究非紀律之師可比刻下附近

省分官兵如四川一省已調至一萬九千餘名  
陝甘兩省已調至二萬餘名湖北等省更無餘  
兵可調因念前奉

諭旨飭令調兵省分按照派調額兵酌量募補十之

六七實爲慎重地方起見茲臣通盤籌畫此種

添募新兵本緣營汛空虛暫資彈壓如以備調  
存營者仍屬有限而目前賊勢如湖北之襄陽

宜昌鄖陽等府屬處處皆是明亮德楞泰等統  
兵於襄陽一路則鄖陽之賊竄入興安之洵陽  
白河宜昌之賊折回夔州之巫山奉節相距遙  
遠勢卽不能兼顧至豐伸布馬瑀之陣亡均由  
於偏師遇賊力量較單所致况如四川省雲陽  
之白巖山奉節之南北兩岸新起賊匪較前倍  
多而兵力日分日薄臣愚昧之見合無仰懇

聖恩勅令四川省於新兵之外添練備戰兵一萬名  
陝甘兩省共添練一萬名湖北河南各添練五  
千名酌定營分入伍操演方今戶口殷繁刻下  
當農隙之時丁男休暇正應努力從公計一月  
召募兩月勤操咸可共知紀律較之臨時召集  
之鄉勇自必派調合宜不致難于約束且賊匪  
之所以在在竊發者亦由於苗疆之役川楚等

省營分空虛之故今知現有戰兵之外各省又復添募新兵亦足以隱懾其膽如一兩月內匪黨速清則此種戰兵爲時未久散歸本業亦復甚易其有情願入伍者更不妨歸入原募新兵照例准其拔補至操演訓練刻下各省督撫帶兵遠出卽責成在省司道及留營將備分別派定會同操練如外營千把等官呼應不靈卽著



落地方州縣一體認真辦理各兵技藝不必拘  
定鳥鎗弓箭卽刀矛擊刺之術亦足以制勝軍  
中勒限三月挑備齊集數或不敷則總以年力  
精壯儘先招募寧可稍爲缺額毋令勉強濫充  
於備用似爲有裨均奏入

上命軍機大臣傳諭宜綿額勒登保福寧舒亮穆克  
登阿曰首逆王三槐等與羅其清等合夥宜綿自

應乘其屯紮未定之時併力兜剿聚而殲擒乃官  
兵分路隨攻賊匪復竄至通江一帶奔向陝境並  
分股逃往巴州似此到處衝突不能設法攔截惟  
事尾追毫無籌畫可謂無能之至而轉以曠日持  
久兵力疲乏欲請添募新兵是誰之咎宜緝務當  
倍加愧奮剿盡首逆勿再遲延自巖山一路屯聚  
之賊舒亮穆克登阿仍未能直搗賊巢著嚴行申

飭又蕪州府北岸賊匪屯聚張家巖地方經德齡等攻剿尙未能卽時攻克現在侍衛伊里布又已帶兵趕到著卽併力進攻不可又令他竄所有打仗陣亡之總兵馬瑀甚爲可惜著照提督例咨部議卹千總衛學純亦著加等優卹其蕪州南岸賊匪已自奉節竄往利川昨已降旨令景安同愛星阿帶兵赴剿額勒登保等如已將林之華等擊獲

卽就近移師前往利川倚林之華等經官兵追逼  
已與楊秀濬等合夥屯聚一處額勒登保等亦不  
可坐待景安到彼著卽馳往利川一帶上緊籌剿  
上又命軍機大臣傳諭四川湖廣陝甘河南各督撫  
曰宜綿奏現在各路剿捕教匪四川陝甘已調兵  
一二萬不等湖北等省更無餘兵可調請於四川  
陝甘共添練備戰兵二萬名湖北河南各添練五

千名分營操演其言似屬近理然摺內稱一月召募兩月勤操又稱一兩月內匪黨全清此種戰兵仍可散歸本業殊屬自相矛盾試思招募既需一月訓練又復多時然後調至軍營尙有數月之久宜綿登竟坐待新兵不思進討乎但四川陝西湖北交界處所曾經賊匪滋擾而甘肅地處邊陲河南與陝楚毗連防兵較少自應酌量增添況現在

軍營鄉勇日支鹽糧口食等項與兵丁所費相同而緝以部伍究非紀律之師其有畏縮不前或未便遽治以軍法轉不若挑充入伍旣於經費不致虛糜而於軍令亦可整肅且多一兵丁便少一鄉勇卽遊手無藉之徒一經召募入伍可資約束雖訓練亦尙需時而於現在軍營情形及彈壓地方實屬兩有裨益如軍務指日告竣或挑補營額或

散令歸農其事尙屬易辦四川省著專交宜綿湖北省著專交勒保汪新陝西省著專交秦承恩柯藩卽照宜綿所請之數招募入伍其河南甘肅二省著景安英善體察情形酌量增添景安現赴施南一帶剿賊或未暇兼顧卽遵照諭旨飭令該省文武大員妥協經理以期無悞該兵丁入伍後必須實力訓練技藝嫻熟務俾一兵得一兵之用方

可期於實效倘將來或有調遣之處不能得力仍致有名無實則惟該督撫是問至勒保已有旨調任湖廣總督其雲貴總督員缺業將鄂輝補授此時湖北地方緊要且現有添兵之事勒保於交印後者卽馳驛赴湖北籌辦一切

臣等謹案行軍制勝之道固貴以少擊衆至於山林陡險地廣兵單之會則又不能不多



爲之備我

皇之於剿辦邪匪之始卽因川楚陝等省官兵赴調者多

諭令按照原額酌募十之六七茲復

俞宜綿所請

勅交該督撫分別添備責以訓練之精優以鹽糧之給其後各路防剿兵力不虞缺乏而鄉勇漸

歸裁減軍令益形整肅皆由

睿謨炳遠措置得宜也

二十七日癸巳明亮德楞泰奏言賊匪自小深河

敗竄後由麻家渡保豐一帶向西南奔突臣等

沿途獲賊訊知賊人欲攻撲竹谿縣城奔入陝

省十三日已竄至竹谿之水坪地方離縣治三

十餘里而八月初間從竹山竹谿竄入陝境之

另股賊匪近復自白土關折回竹谿之西小河  
口一帶焚掠將欲竄合夾攻縣城查竹谿縣治  
係新修土城雖有守兵三百餘名鄉勇千餘名  
並無大員彈壓隨飛飭巴圖魯侍衛溫春阿納  
保等帶領馬隊兵丁繞道馳赴縣城防護安撫  
居民<sub>臣</sub>等漏夜帶兵由南山後趕進以期與阿  
納保等內外夾擊十四日五鼓行至漫液塘該

處東離水坪十五里西距小河口三十里北至

縣城十五里天明集兵

臣

等從黃龍寨青草坪

分投迎擊適賊匪正由東西兩路分擾前來一

見官兵西路小河口賊匪卽折回小關塘一帶

奔逃東路水坪賊匪亦折向秦家坪寬坪一帶

竄走官兵分投剿殺賊匪越澗翻山狂奔亂竄

西路之賊被副都統阿哈保副將扎勒杭阿等

領兵追至敖家寨截殺百數十人生擒五名餘  
衆向關垵一帶疾竄東路之賊被興肇同達音  
泰等領兵追至椒嶺岡賊匪由鼓兒寺西逸

臣

等率鎮臣木騰額等帶兵繞出獨松寺山前橫  
衝截擊賊匪拋棄行李騾馱捨命遁逃官兵擊  
殺二百餘人生擒十四名奪獲馬騾器械甚多  
餘衆逃向店坪一帶查關垵以西係竹谿與陝

西平利交界之地店坪以北係往陝省白河大路兩股賊匪今被官兵分投追剿雖已不能會合亦是牽綴官兵現在滿漢兵丁六千餘名不敷分路追剿竊計關垵一股之賊有提督柯藩在平利八角廟堵截又有秦承恩截留新留之甘肅兵丁及恒瑞帶兵前來足資截剿其北面白河一帶經景安派王文雄帶兵二千名自北

兇擊亦可毋虞闌入惟該匪折向連線河北竄  
或店坪一股賊匪折向七里關大金河西竄則  
兩股賊匪仍得會合現在竄向店坪之賊尙在  
彼處屯聚<sub>臣</sub>等昨已趕到沈家營相離十餘里  
卽日整隊前進於兩股賊匪前竄必經之路扼  
要截殺務期以次遞剿至竹谿縣治週圍新築  
土城頗爲高厚城外有龍堰河廖家河兩道環

術所設兵勇逐加獎賞俱極奮勇向義居民亦已安堵

同日秦承恩奏言查東路賊匪分投奔竄一股竄至平利魏家壩一股竄至汝河初五日魏家壩之賊正在奔竄經溫承惠帶領兵勇趕到截殺後路賊匪數十名賊衆翻山竄逸汝河之賊因探知平利縣城守禦嚴密於初五日早向東



南擾至白土路營該處先經臣派因公革職知

縣王行儉帶領鄉勇六百名協同都司趙禧防

守該都司等一聞賊至督率兵勇奮力迎擊施

放鎗礮擊死賊匪多名賊恃人衆向前直撲並

分出兩股抄至兵勇之後趙禧等分投抵禦又

各殺斃數十人賊匪四面圍裹趙禧身中刀傷

陣亡王行儉大聲罵賊身被矛傷十餘處陣亡

兵丁鄉勇亦有傷亡時柯藩帶兵五百名甫經

趕到郡城

臣

卽將調到督標肅州等營官兵一

千五百名一併父令帶領馳往平利相機剿辦

均奏入

上命軍機大臣傳諭宜綿明亮額勒登保德楞泰惠

齡恒瑞福寧景安英善秦承恩慶成觀成劉君輔

日明亮等所奏擊退分擾竹谿賊匪情形所辦尙

好但祇係沿途追剿並未獲一賊首而所殲賊匪亦不過二三百人未爲滿意賊匪東西奔竄忽分忽合意欲牽綴官兵冀圖他竄明亮等不可墮其奸計總當併力兜剿一股再辦一股以次肅清至惠齡等所追之賊尙欲南竄或思與竹谿白河等處之賊合夥則明亮等更當兩面夾擊迅速肅功其竹谿一股賊匪究係何人爲首姚之富齊王氏

在何股內並著查明速奏其在平利縣白土路營  
剿賊陣亡之都司趙禧著咨部加等優卹王行儉  
以離任文員能帶領兵勇協剿罵賊捐軀尤可嘉  
憫著咨部照知州例給予恩卹伊子俟服闋後交  
部帶領引見此次用兵以來多有陣亡及病故之  
員總因領兵大員不能及早蒞功所致伊等當自  
知愧恨迅勉剿捕再近日聞賊匪每至一村莊先

將年壯平民逼令入夥一遇官兵輒令逼脅入夥之人當先抗拒賊匪隨後接應若當先者被官兵剿敗賊匪卽乘間先竄官兵則隨後殺掠報功節次摺內所稱殺賊無數者大抵皆係逼脅平民而真正邪教賊匪早已遠颺所以日久未能成功而新起入夥之賊未必不出官兵驅迫所致於事大有關係著傳諭帶兵各大員或於剿賊之前遍行

示諭臨陣時再傳朕旨諭以爾等被賊逼脅本係  
無罪平民村莊已被蹂躪又逼令當先抗拒一遇  
官軍剿殺爾等先受誅擒而賊匪轉得乘間奔逸  
爾等與其爲賊先驅致遭殲戮何不拋棄兵械投  
順官軍卽得有生路或再能幫助官軍反戈剿賊  
並可仰邀恩賞庶被賊逼脅者自不肯仍前爲賊  
前驅臨陣時亦必多有解散方可痛殲賊衆至官

軍等臨陣殺賊必須探明此路賊首係屬何人攻其精銳擒獲首逆不可縱賊遠竄任聽兵丁沿途妄殺報功驅民從賊必當嚴束士卒秋毫無犯方無忝將帥之任倘經此次明白開導後仍有前項情弊一經查寔或被叅控伊等不但無功並當重治其罪凜之慎之

臣等謹案制勝之要先在擒渠紀律之師最

嚴濫殺教匪等兇殘已極經官兵圍剿之餘  
四竄村莊愚民近於死亡致被脅從迫與官  
兵接仗時逞其狡惡逼令衝鋒首遭殲戮一  
經擊敗匪徒等又復乘間先逃而被脅之人  
自從奔竄不免誅夷至官兵等意圖功賞玉  
石不分亦所時有我

皇上愛民如子明目達聰



特諭帶兵大臣諄切曉諭俾小民共知生路而又申明禁令嚴束士卒秋毫無犯洵所謂神武而不殺者夫

同日

上諭內閣曰陝西現在剿捕教匪大兵雲集需用甚多著於部庫內撥銀二百萬兩照例迅速解往以備應用

二十八日<sup>甲午</sup>汪新奏言查川楚奉節利川賊匪

爲數衆多必須乘其初起之時迅速剿辦因思  
施南鄉勇素稱驍健當經飛飭恩施利川二縣  
約會川省奉節縣曉諭居民並諄囑恩施令候  
補同知尹英圖利川令陳春波四川奉節令周  
景福等設法鼓勵共相激勸三縣士民無不踴  
躍爭先隨經尹英圖會同外委劉文玉帶領兵

丁率同義總紳士人等挑帶健勇三千餘名分爲五隊九月初三日馳赴奉節李子坳地方時周景福亦會同千總劉忠魁帶兵三百名並紳士人等挑帶兵勇三千一百名與之會合商同分途進發初四日賊匪竄至利川縣之長堰塘地方經副將樊繼祖會同陳春波率領兵勇奮力堵殺殲斃無數餘賊數千由柴嶺包退至樓

子壩適遇尹英圖周景福等三面兜圍而至賊  
匪蜂擁上前抗拒周景福劉忠魁督率兵勇衝  
入賊隊尹英圖劉文玉率領兵勇一齊圍攻刀  
矛並舉殺死賊匪數百名川省兵勇生擒賊目  
謝紹武等十七名楚省兵勇生擒賊目王廷獻  
等十六名賊匪抵敵不住捨命突路狂奔兩省  
兵勇抄向賊前截住去路復又殺死賊匪一千

餘人沿途丟棄幼孩並旗幟刀鎗火藥牛馬等  
項賊匪直奔黃連坪山藏匿深林密箐之中時  
值天晚不能窮追各兵勇卽於對面張家壩山  
駐劄當提獲犯王廷獻等查訊據供爲首係邱  
大才湯永禮包平利陳大鵬僧海青並該犯王  
廷獻謝紹武七人俱僞稱都督丞相僧海青並  
造有銅印其餘尙有頭目楊士秀鄒倫蒲在金

蒲在揚胡國柱盧元斌魏鳳舞許奉甲許可位  
金明揚十人俱稱爲領將等情當卽一併寸磔  
隨於初六日早探得賊匪分爲兩股一往後壩  
一往葫蘆壩尹英國周景福特領川楚兵勇亦  
分兩路追至金銀均兩路賊匪復又合併一處  
屯聚觀音洞山係奉節地界四面懸巖僅有小  
徑一條賊於要口安放擋石抵死抗拒時守備

陳安信利川縣丞晏廷銓巡檢王霖等各帶利川兵勇分路追至初七日早三路兵勇齊放鎗礮向上轟擊打斃守卡賊匪數名餘賊站立不住棄卡逃上山梁尹英圖周景福劉忠魁等督率兵勇一齊擁上奮力剿殺賊匪慌亂中鎗貫矛及滾礮身死者約二千餘人生擒一百二十六名內尹英圖等一路擒獲賊首邱大才鄒倫

暨餘賊共三十六名周景福等一路擒獲賊首  
陳大鵬賊目楊士秀許可位姚鳳舞並餘賊共  
四十二名陳安信晏廷銓督率兵勇擒獲賊目  
胡國柱並餘賊共二十七名巡檢王霖率同鄉  
勇擒獲賊目蒲在金並餘賊共二十一人其餘  
各賊俱避匿山洞亦間有爬山越嶺捨命奔逃  
者查該處山洞約寬三里洞口窄狹賊匪在內



堅守兵勇不能進逼當用火彈拋入洞內並於  
洞口堆積柴薪放火焚燒其中男婦幼孩被焚  
致死者不計其數並查有賊首僧海青賊目蒲  
在揚盧元斌許奉甲金明揚俱被兵勇殺死飭  
據現獲各賊及鄉勇人等指認確鑿並於僧海  
青屍身上搜獲銅鑄偽印一顆其餘在逃之賊  
爲數無幾現在逐處搜捕冀無竄逸再傷亡兵

勇亦有一百餘人另行造冊請卹此次兩省士

民鄉勇實爲分外出力

臣

現咨會宜綿查明分

別酌賞職銜以示鼓勵內有功績最著者亦俟  
會同宜綿飭查明確另行請

旨加恩

同日惠齡奏言

臣

與富成帶兵追趕賊匪探得

沿江各卡隘俱經秦承恩酌派兵勇嚴密巡防

並無疎懈迫馳抵小河口地方偵知賊匪現從

山內圖往漢江口岸偷渡臣卽與富成抄尋提

徑於大石川附近適遇後起賊人竄至臣等分

投埋伏俟其將近縱兵掩擊副都統銜六十七

叅將穆克登布馬國銳等分帶馬隊橫衝剿殺

將賊股分截臣等帶兵兩面兜圍殺死賊人三

百餘名餘匪狂奔仍向沿江前竄現在慶成從

水路抄來正思逼至江干台剿旋據探報分竄  
之賊復從江岸折回向東南山內逃遁查東南  
一帶下達興安上通川境隨酌派兵弁於要隘  
處所虛設旌旗使其望而疑懼不敢奔突一面  
選帶熟悉道路鄉勇翻越數重大山繞至滾子  
嶺適賊匪正在彼搶刦糧食不意官兵驟到卽  
向原路奔逃我兵直前衝殺殲斃二百餘人生

擒趙學盛等二十九名訊據供稱此股賊內係  
李全爲首因見官兵盡已前追以爲後面無兵  
想要折回四川又遇官兵截殺今已逃往興安

一路臣等探得前竄白河一股賊匪現已擾至

平利縣之白土關連線河一帶其明亮等所追  
均州之賊亦從竹山漸近洵陽界內均離興安  
不遠今李全等又向奔逃是興安郡城最爲著

重雖有恒瑞慶成帶兵馳往第賊有三股俱已  
逼近秦承恩現駐興安帶兵甚少亟應撥兵前  
往策應庶可鎮定人心若臣仍由陸路馳往非  
七八日不能趕到惟從滾子嶺繞至紫陽乘船  
直下兩三日即可抵郡所慮賊情叵測探知官  
兵均已抄截前行仍復折回未免顧彼失此當  
囑富成帶領官兵二千餘名仍由小路前進臣

酌帶兵八百名取道紫陽上船前赴興安俟到  
後與秦承恩商定機宜再行具奏

同日觀成劉君輔奏言官兵自奪佔樵風洞後  
賊匪情急率其醜類分踞轎頂山及老木園一

帶山梁于陡壁巉巖之上添修卡隘十餘座堆

積木石死守益力初五日四更臣觀成督率協

領蘇勒芳阿等進攻轎頂山施放鎗礮賊匪悉

衆抵拒

臣

劉君輔徐昭德卽帶領遊擊楊洪新

把總燕金等直前攻撲燕金受傷一處正在督

催競上詎老木園山頂之賊前來抵禦堆放擣

石兵勇受傷頗多且地處險仄難以久立暫爲

撤回現在設法趕緊進攻斷不敢稍留餘孽至

鎮臣馬瑀在放牛坪山梁與賊接仗受傷落崖

身故其所帶襄陽鎮關防亦經失落而寶塔青



莊坪一帶文報不通糧運梗塞又係通老木園之路<sup>五</sup>等當卽派令徐昭德抽帶官兵星速前往與德齡會合剿辦所有此次傷亡兵勇查明咨部卹賞均奏入

上命軍機大臣傳諭宜綿勒保明亮額勒登保德楞泰惠齡觀成景安秦承恩汪新曰此次奉節利川會合賊匪不下萬餘尹英圖等以知縣千總等官

能率領士民鄉勇迅速剿除可嘉之至尹英國周  
景福陳春波均著超賞知府銜有缺酌量奏補千  
總劉忠魁著超陞都司外委劉文玉著超陞守備  
其分路帶兵之守備陳安信等六人著交汪新查  
明如果奮勇出力卽以應陞之缺陞用以示嘉賚  
所有紳士鄉勇人等亦著汪新查明擇其尤爲出  
力爲首者賞給六品頂戴其餘分外出力者酌賞

七八品頂戴汪新雖在襄陽駐劄但一聞該處匪徒滋事卽分飭各縣設法剿捕果能卽時肅事辦理妥協著賞給金盒大小荷包副將樊繼祖著賞給裝鉛子魚袋大小荷包其餘在事兵勇著汪新酌加獎賞陣亡者俱從優賜卹但前據奏奉節賊匪係楊秀濬湯永禮爲首今據獲犯供內祇有湯永禮一犯而楊秀濬未經提及該二犯是否卽在

燒斃殲擒之內尙尙未就獲此外或有逸犯著汪  
新轉飭樊繼祖會同該縣等趁此勝勢上緊查拏  
毋使漏網至現在奉節利川賊匪既經剿除卽有  
一二餘匪樊繼祖等足資搜捕豫楚交界亦關緊  
要景安愛星阿竟不必前往施南利川卽於途次  
轉回或仍至襄陽一帶以防賊匪折回之路或就  
近爲明亮等聲援惟酌量事機緩急而行不可拘

泥又據觀成等奏攻撲老木園焚燬賊卡一摺不但未得老木園賊巢而於轎頂山緊要賊卡亦未能攻克實屬無能無耻且所奏馬瑀陣亡一節早經宜綿等奏到尤屬無謂又惠齡奏帶兵追截賊匪情形亦經恒瑞等奏到恒瑞慶成已落賊後而惠齡尙未馳抵興安更在恒瑞慶成之後實大不是惠齡觀成劉君輔俱著傳旨嚴行申飭朕辦理

軍務賞罰嚴明此次奉節利川賊匪經知縣千總等立時剿淨卽加等超擢以示優獎豈辦理遲悞之大員等竟聽其遷延貽悞不將伊等加倍治罪乎伊等不可不知愧懼迅勉蕝功勿謂朕恩可以屢邀伊等之罪可以倖免也昨已有旨令勒保馳赴湖廣新任該督到彼楚省軍務自當令其董率辦理宜綿亦本係總統但現在勁兵健馬俱在明

亮等一路且姚之富齊王氏尤爲賊首中緊要之  
犯此時所盼者惟明亮德楞泰二人捷報宜綿勒  
保雖係川楚總督亦斷不肯掣明亮德楞泰之肘  
伊二人不得因聞勒保現有到處之信稍存觀望  
倘不能卽將姚之富齊王氏拏獲而轉被他處賊  
擒則又將何顏對朕耶明亮德楞泰總當確探二  
首犯踪跡專心設法擒獲此外四川賊首徐添德

王三槐羅其清冉文儔責戎宜綿巴東賊首林之  
華覃加耀責成額勒登保等老木圍賊首責成觀  
成劉君輔其竄至安康賊首李全責成惠齡恒瑞  
慶成彼此各辦各賊原不相統率不拘何路擒獲  
賊首卽屬該處帶兵大員之功何路任賊首縱逸  
卽係該處帶兵大員之罪如此分剿各顧功罪自  
易爲力明亮德楞泰更不必分心他處爲要



上諭內閣曰此次川省奉節賊匪竄入楚北利川境內經汪新派令副將樊繼祖統兵堵剿並令恩施利川二知縣約會川省奉節令曉諭居民同心協力會合奮剿旋經各該縣尹英國陳春波周景福會同千總外委等共相激勸督率三縣士民殺賊匪一千數百餘名生擒賊目四十餘名又因賊分兩股奔竄兵勇亦分兩路追剿復殺賊二千餘

名生擒二百二十餘名所辦實屬可嘉除汪新等  
已另加優賞外該省錢糧前已有旨普行寬免此  
次恩施利川二縣及川省奉節縣鄉勇士民均能  
齊心奮勇同深敵愾著加恩將該三縣應征錢糧  
再行蠲免一年以示獎義推恩至意